



Ահաբեկչությունների ու սադրանքների միջև

2015-ի հունվարից մինչև փետրվարի սկզբներն ընկած ժամանակային տիրույթում, Մերձավոր Արևելքի հայկական եկեղեցիների հրետակոծումներից մինչև Բերձորի իրադարձությունները, հայությունը հայտնվել է ահաբեկչությունների ու սադրանքների միջև: Եվ անմիջապես ի հայտ են եկել պղտոր ջրերում ձուկ որսալու սիրահարները:

Այլ հարց է, որ տեղի ունեցած իրադարձությունները կրկին բացահայտում են հայության ու Հայաստանին ողբված սպառնալիքները, սակայն թվում է շատ կողմերի համար դա չէ կարելորդ, նրանց համար կարելորդ՝ հարմար պահը որսալն է ու դրանից օգուտներ քաղելը:

Թաքցնելու որեւէ բան չկա. Անուշավան Շահնազարյանը Ավտոերթին մասնակցել է, որպես Նոյյան Տապանի լրագրող եւ ոչ թե, որպես Արեւմտյան Հայաստանի Ազգային Ժողովի պատգամավոր: Անշուշտ, Անուշավան Շահնազարյանը մեր ընկերն է, մեր գործընկերը ու նրան մենակ չենք թողել եւ մենակ չենք թողնելու, երբեք: Բայց ո՞ւմ հոգն է, այդ թվում նաեւ որոշ լրատվամիջոցների, կարելորդ կրկին պահը որսալն է, կարելորդ սկանդալն է, «ինքնատիպ» հրապակումներով ուրիշների հաշվին ի հայտ գալը ու առանձանահատուկ երեւալը: Որոշ կողմերի համար սա եւս մեկ փորձ է առիթից օգտվելով կրկին հարվածելու Արեւմտյան Հայաստանի պետական համակարգին, որ նա չկարողանա այս դժվարին պայմաններում լավագույնս պաշտպանել Արեւմտյան Հայաստանի հայերի իրավունքները Արեւմտյան Հայաստանի նկատմամբ, ի հարկին՝ հայության իրավունքները Հայաստանի նկատմամբ, չկարողանա պաշտպանել հայության ազատ, անկախ, անվտանգ ապրելու ու զարգանալու իրավունքը:

Թվում է որքան հին, նույնքան բացահայտ ճշմարտություն է. որ կեղծիքի ու ստի միջոցներով օգուտներ քաղելը անհեռանկար զբաղմունք է այդ միջոցներով արձանագրած թվացյալ հաջողությունները ժամանակավոր ու չափազանց անկակայուն: Որովհետեւ այս ճանապարհը արդյունավետ չի լինում երբեւէ, իսկ դրան հաջորդած հուսախաբությունը՝ լինում է մեծ: Հար նման այն իրավիճակին, երբ որքան մեծ է բարձրությունը, այնքան մեծ է անկումը: Նույն կերպ. որքան մեծ սուտը, այնքան մեծ է լինելու հուսախաբությունը:

Հայությունը դիմակայելու է այս բոլոր մարտահրավերներին նույնպես եւ հաղթահարելու է բոլոր սադրանքները. կոտրած տաշտակները մնալու են որպես կեղծարարների ու սադրիչների բաժին վարձավճար:

Արեւմտյան Հայաստանի Վտարանդի Կառավարության Լրատվական ծառայություն
04.02.2015 թ.